

Na osnovu člana 89. Zakona o javnim nabavkama Bosne i Hercegovine („Službeni glasnik BiH“ broj: 39/14) i Odluke o izboru najpovoljnijeg ponuđača po konkurentskom zahtjevu za dostavu ponuda broj: 12-3293/20 od 21.07.2020. godine, *zaključuje se*

#### UGOVOR O JAVNOJ NABAVCI

Između:

1. Elektrotehničkog fakulteta u Sarajevu, sa sjedištem na adresi Zmaja od Bosne bb Sarajevo, ID broj: 4200304450006, koga zastupa dekan prof.dr. Jasmin (Izet) Velagić, (u daljem tekstu: *Naručilac*)

i

2. DIGITAL SIGNAL PROCESSING AND CONTROL ENGINEERING GMBH, DSPACE GMBH, sa sjedištem u Paderborn, Njemačka na adresi Rathenaustraße br. 26, DE 126 329 376, koga zastupa Waldemar Engelbrecht (u daljem tekstu: *Izvršilac*)

#### Član 1.

Predmet ovog Ugovora je nabavka laboratorijske opreme - upravljačka ploča na Elektrotehničkom fakultetu u Sarajevu, a na osnovu provedenog postupka po konkurentskom zahtjevu.

#### Član 2.

Predmetna nabavka iz člana 1. ovog Ugovora, vrši se za potrebe realizacije projekta:

1. Projekat MONKS pod naslovom „Hibridna kogeneracija električne energije u mikromrežama s ciljem poboljšanja energetske efikasnosti i povećanja proizvodnje električne energije iz obnovljivih izvora“, voditelja projekta prof.dr. Tarika Uzunovića.

#### Član 3.

Izvršilac se obavezuje da će robu isporučiti na adresu *Naručioca*, sa svim elementima i karakteristikama koji su navedenu u tenderskoj dokumentaciji, a u skladu sa važećim tehničkim standardima.

Izvršilac se obavezuje da će robu isporučiti u roku od 90 (devedest) dana od pismenog zahtjeva *Naručioca*.

U slučaju kašnjenja u isporuci roba, do kojeg je došlo krivicom *Izvršioca*, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. *Izvršilac* je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od *Naručioca*.

*Naručilac* neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje *Izvršilac* nije mogao uticati niti ih predvidjeti.

#### Član 4.

U slučaju da *Izvršilac* izbjegava potpisivanje ugovora ili da po zaključivanju ugovora ne ispuní preuzetu obavezu iz ovog ugovora i uslova ponude u navedenom roku, sačinjeni ugovor postaje ništavan uz pisano obavještenje.

#### Član 5.

Ako se prilikom prijema utvrdi da roba koju je *Izvršilac* isporučio ima nedostataka u kvalitetu ili druge očigledne greške, ugovorene strane su saglasne da ih *Izvršilac* otkloni u roku od 10 (deset) dana, od kada je sačinjen zapisnik o reklamaciji, a ako to ne učini u ugovorenom roku, *Izvršilac* je dužan reklamiranu robu zamjeniti novom robom koja ima jednake karakteristike.

Ukoliko se nakon što *Naručilac* primi robu, pokaže da roba ima neki nedostatak koji se nije mogao otkriti uobičajnim pregledom prilikom preuzimanja iste, odnosno ima skrivene nedostatke, *Naručilac* je dužan o tom nedostatku bez odlaganja obavijestiti *Izvršioca*, koji je dužan u roku od 10 (deset) dana otkloniti nedostatak.

#### Član 6.

Garantni rok na upravljačku ploču je 2 (dvije) godine, računajući od dana isporuke, uz obezbijeđen mehanizam zamjene neispravnog uređaja po principu slanja ispravnog uređaja od strane proizvođača u razumnom vremenskom periodu. *Izvršilac* će u toku garantnog perioda održavati robu u dobrom stanju, te će vršiti redovno održavanje i otklanjanje kvarova, odnosno popravljanja ili mijenjanje neispravnih dijelova robe, a sve o svom trošku.

Član 7

Naručilac se obavezuje da će Izvršiocu isplatiti cijenu ponude u iznosu od 10.523,92 EUR (desethiljadapetstotinadvadesetri i 92/100EUR) sa uračunatim transportom, u roku od 30 (trideset) dana od dana dostave fakture.

Ugovoreni iznos naknade će se platiti na žiro račun Izvršioca, kod odgovarajuće banke u Njemačkoj. Pripadajući porez će se obračunati i platiti u skladu sa zakonom.

Član 8.

Ugovor traje do konačne realizacije a najkasnije do 31.12.2020. godine.

Član 9.

Pravo na raskid ugovora zadržavaju obje ugovorne strane u slučaju da jedna od ugovornih strana ne ispunjava svoje ugovorne obaveze, s tim što su obavezne da o svojoj namjeri pismeno obavijeste drugu ugovornu stranu najmanje u roku od 15 (petnaest) dana unaprijed.

Član 10.

Izvršilac kojem je dodijeljen ugovor o javnoj nabavci nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 11.

Ugovorne strane su saglasne da se za sve što nije regulirano ovim Ugovorom, primjenjuju odredbe Zakona o obligacionim odnosima.

Član 12.

Ugovorne strane su saglasne da sva eventualna sporna pitanja riješe sporazumno u duhu dobrih poslovnih običaja. Ukoliko ugovorne strane ne postignu sporazumno rješenje, za rješavanje spora nadležan je sud prema sjedištu Naručioca.

Član 13.


Ovaj Ugovor stupa na snagu danom potpisivanja od strane ovlaštenih lica ugovornih strana.

Član 14.

Ovaj Ugovor je sačinjen u 4 (četiri) istovjetna primjerka, od kojih svaka strana zadržava po 2 (dva) primjerka.

Izvršilac:  
dSPACE GmbH  
Karlshofstr. 26  
76338-0  
Waldemar Engelbrecht  
Fax: +49 5251 16198-0  
info@dspace.de / www.dspace.de

Broj: 5449  
Datum: 13.08.2020



Naručilac:  
Dekan, Prof.dr. Jasmin Velagić

Broj:  
Datum

Broj: 02-3567/20  
Datum: 27.07.2020